

**Partii Naleqqami**  
**Inatsisartunut Ilaasortaatitat**




**Hans Enoksen**



**Jens Napātók**



**Pele Broberg**



**Partii Naleraq**

# Partii Naleqqap Siunertaa

**Pilersinniarpavut Inuiaat Kalaallit tamanut pitsaa-sumik atugaqartitsisut naligiimmik periarfissaqartitsillutik nunaminnik ineriartortitsisut.**

**Pilersinniarpavut Kalaallit Inuiaqatigiit kulturiminnik oqaatsiminnillu tunngaveqarlutik kiffaangissuseqarlutik naligiissitaaffiusut, arnaaneq, angutaaneq sumillu upperisaqarneq apeqqutaatinnagu.**

**Kalaallit Nunaat, avatagiiseq, pisuussutit uumaatsut uumassusillillu iluanaarutaasumik atorneqassapput paarilluarneqarlutillu.**

**Pilersinniarpavut Kalaallit Inuiaqatigiit nunaminnut naleqqussarluarsimasut nunarsuarmioqataanerlu pingaartillugu imminnut tulluusimaarlutik ilinniarluarsimasut inuussutissarsiornikkut aningaasarsiornikkullu nammineersut.**

**Pilersinniarpavut Kalaallit Inuiaqatigiit kiffaangissuseqarlutik politikikkut aningaasarsiornikkullu nammineersut.**

**Kalaallit Nunaata aqunneqarnerani ammasumik inuillu oqartussaaqataanerat pingaartillugu ingerlatsineq nukittorsassallugu.**

**Inuit pisinnaatitaaffii Naalagaaffiit Peqatigiit Aalajangersagaat nunarsuarmioqatigiinnut tamanut atuuttut Kalaallit Nunaanni malinneqarlutik atuutsinneqarnissaat Partiip Naleqqap illersugarissavaa.**

**Pilersinniarpavut Inuiaqatigiit Kalaallit sumiluunniit najugaqaralarunik inuussutissarsiornikkut aningaasarsiornikkullu ineriartornissamut naligiimmik periarfissaqartitaasut.**

**Kalaallit Nunaanni pisuussutinik uumaatsunik atuineq piaanerlu tamatigut Inuiaqatigiit Kalaallinit peqataaffigineqarlutillu ingerlanneqartassaaq.**

**Kalaallit Nunaanni innuttaasut tamarmik atugarissaarnikkut aningaasaqarniarnikkullu naligiinnerusumik periarfissaqartuarnissaat Partii Naleqqap sulissutigiuassavaa.**